

## Efnisyfirlit

Stjórnkerfi fiskveiða .....	2
Strandveiðar .....	2
Makrílveiðar.....	3
Grásleppuveiðar .....	4
Hvítlúða .....	5
Hvalveiðar .....	5
Veiðar á beitusíld .....	5
Byggðakvóti .....	6
Humarveiðar smábáta .....	6
Botnvarpa .....	6
Fiskverð.....	6

## 33. aðalfundur Landssambands smábátæigenda

### Tillögur frá sjávarútvegsnefnd

#### Stjórnkerfi fiskveiða

**Aðalfundur LS** lýsir fullum stuðningi við aflamarkskerfið og mótmælir harðlega uppboðsleið á aflaheimildum. Slíkar hugmyndir stefna útgerð um land allt í uppnám og óvissu.

**Aðalfundur LS** skorar á sjávarútvegsráðherra að færa reglur um VS afla til fyrra horfs, þ.e.a.s. fiskveiðiárið eitt tímabil.

**Aðalfundur LS** skorar á stjórnvöld og ráðherra að beita sér fyrir því að strandveiðiafli telji til viðmiðunar til VS heimildar líkt og allur annar afli gerir.

**Aðalfundur LS** skorar á stjórnvöld að færa aflareglu í fyrra horf. Hafrannsóknastofnun á ekki að hafa heimild til að ákveða einhliða aflareglu án umræðu og samráðs við stjórnvöld og atvinnugrein.

**Aðalfundur LS** skorar á sjávarútvegsráðherra að skoða til hlítar þá aðferðafræði að úthluta veiðiheimildum til smábáta að hluta til í þorskígildum í stað kílóa í einstökum tegundum. Er þá átt við að menn gætu veitt ákveðinn hluta af sínum heimildum í ígildum talið.

**Aðalfundur LS** gerir kröfu um að handfæraveiðar á ufsa verði gerðar frjálssar þar sem ekki hefur náðst að veiða viðmiðunarkvóta undanfarin ár.

#### Strandveiðar

**Aðalfundur LS** vill að LS berjist af alefli fyrir því að strandveiðar verði leyfðar 4 daga í viku frá 1. maí til 31. ágúst ár hvert á öllum svæðum án þess að það komi til stöðvunar veiða.

**Aðalfundur LS** leggur til að ufsi telji ekki til aflamarks á strandveiðum.

**Aðalfundur LS** mótmælir því að strandveiðiflotinn sé tekinn út fyrir sviga og sé eina sérleyfið sem þarf að greiða sérstakt gjald, 50.000 kr. Fundurinn minnir á að þetta eru minnstu leyfin og ein af rökunum fyrir strandveiðinni var að gera mönnum kleift að byrja í útgerð. Hefði því mátt ætla að þetta væri stuðningur en ekki skattur.

**Aðalfundur LS** vill að strandveiðibátum verði heimilt að fá farþegaleyfi samhliða strandveiðileyfi og megi bjóða til sölu ferðir á strandveiðar að útfylltum öryggiskröfum Samgöngustofu. Fjöldi farþega í hverjum báti ræðst af stærð báts og öryggisbúnaði. Á bannögum í strandveiðikerfinu og ef einhverra hluta vegna komi til stöðvunar veiða verði strandveiðibátum heimilt að bjóða upp á sjóstangaveiðiferðir og falli þá undir kröfur Fiskistofu um 49 fiska á dag.

Með þessu myndu tækifæri innan strandveiðikerfisins aukast til muna og bátarnir fengju betri nýtingu við atvinnusköpun allt í kringum landið. Kerfið yrði um leið fýsilegra fyrir nýliða.

**Aðalfundur LS** gerir þá kröfu að verði strandveiðikerfið óbreytt skuli strandveiðipotturinn innan svæðis B víxlast í maí og ágúst.

**Aðalfundur LS** skorar á stjórnvöld að auka við aflaheimildir til strandveiða, þar sem fisk vantar í vinnslur yfir sumarið. Kom það áþreifanlega fram í ágúst sl.

**Aðalfundur LS** mælir með að umframafli á strandveiðum upp að hámarki 40 kg á dag, verði lagður saman í lok mánaðar og komi til frádráttar á 3. virka degi næsta mánaðar. Umfram 40 kg á dag sektist um tvöfalt meðalverð á markaði. Umframafli í ágúst verði meðhöndlaður á sama hátt og nú er gert nema sektin verði tvöfalt meðalverð.

**Aðalfundur LS** leggur til að umframafli á strandveiðum telji ekki til viðmiða við byggðakvóta.

## Makrílveiðar

**Aðalfundur LS** leggur til að 16% af leyfilegum heildarafla á makríl komi í hlut færabáta. Ennfremur að reglugerð um kvótasetningu færabáta sem sett var fyrir 3 árum verði felld úr gildi og veiðar gefnar frjálssar.

## Grásleppuveiðar

**Aðalfundur LS** leggur til að veiðidagar á grásleppuveiðum taki mið af heildarafla sem Hafrannsóknastofnun leggur til.

**Aðalfundur LS** hafnar hugmyndum um kvótasetningu á grásleppu. Vill félagið benda á að grásleppuveiðar eru ásamt strandveiðum nánast eini möguleiki manna til að hefja útgerð.

**Aðalfundur LS** leggur til að upphafsdagur grásleppuveiða verði 20. mars á svæði E.

**Aðalfundur LS** fer þess á leit við starfandi ráðherra hverju sinni að hann vandi vinnubrögð og ákvarðanatöku um lengd veiðitíma á grásleppu, óvönduð vinnubrögð öllu mörgum grásleppuútgerðum tjóni í vor 2017.

**Aðalfundur LS** beinir því til þeirra er málið varðar, að óheimilt er að landa grásleppu af bátum sem ekki hafa veiðileyfi til grásleppuveiða. Ennfremur að utan leyfilegs veiðitíma ber að sleppa allri grásleppu sem veiðist.

**Aðalfundur LS** leggur til að LS kryfji verðlagningu á hrognum frá árinu 2010 eða frá farið var að hirða „líkið“ af grásleppunni.

**Aðalfundur LS** leggur til að leyfð verði notkun belgja (sem valmöguleika) á grásleppuveiðum.

**Aðalfundur LS** mótmælir harðlega þeirri ákvörðun að loka svæðum að fengsælum miðum við grásleppuveiðar í Faxaflóa vegna æðarvarps. Félagið krefst þess að 4. málsgrein 9. greinar í reglugerð um hrognkelsaveiðar nr. 202 frá 4. mars 2016 verði tafalaust felld úr gildi.

### Greinargerð.

Fjórir æðarbændur nýta varp á litlum hluta þessa svæðis en hafa náð með „lobbýisma“ að koma þessu banni í gegn. Benda má á að athugun fór fram á fjölda æðarfugla sem komu í net, en þessi athugun var framkvæmd af sérstökum eftirlitsaðila utan þeirrar skráningar sem grásleppusjómenn sjálfir skrá.

Félagið telur að skoða þyrfti breytingar á skipulagi grásleppuveiða er gengu út á það að öll landsvæði byrjuðu veiðar á sama tíma. Þá telur félagið að Landsamband smábátæigenda eigi að þrýsta á að hrognakaupendur gefi út verð sín viku áður að vertíð hefjist.

**Aðalfundur LS** leggur til að hægt verði að nýta grásleppudagana betur með því að tilkynna inn ef ákveðið verði að draga upp og telji þá ekki tíminn fyrir en lagt er aftur.

**Aðalfundur LS** óskar eftir samstarfi við Hafró um rannsóknir á grásleppugend og meðafla í grásleppunet á grunnslóð

## Hvítlúða

**Aðalfundur LS** fer þess á leit að leyfð verði löndun á hvítlúðu sem meðafla enda sé ekki um beina sókn að ræða. Um andvirði aflans skal fara með eins og andvirði annars afla.

**Aðalfundur LS** telur brýnt að LS óski eftir gögnum frá Hafró um rannsóknir og niðurstöður úr þeim rannsóknum um vöxt eða hnignun lúðustofnsins í íslenskri landhelgi síðan lúðuveiðar voru alfarið bannaðar 1. janúar 2012 á króka en áfram leyft löndun á lúðu úr öðrum veiðarfærum, ef að lúða væri talin hafa litlar lífslíkur.

## Hvalveiðar

**Aðalfundur LS** hvetur til hvalveiða við Ísland.

## Veiðar á beitusíld

**Aðalfundur LS** skorar á stjórnvöld að heimilt verði að veiða veiðar á síld og öðru sem til fellur til nýtingar í beitu.

### Greinargerð.

Það er gömul hefð fyrir þessum veiðum, þetta hjálpaði mönnum til að ná endum saman. Í dag gæti þetta hjálpað nýliðum að byrja að gera út.

## Byggðakvóti

**Aðalfundur LS** krefst þess að allur byggðakvóti verði veiddur á króka af dagróðrabátum undir 30 tonn að stærð.

## Humarveiðar smábáta

**Aðalfundur LS** skorar á LS að beita sér fyrir því að kanna möguleika á humarveiðum í gildrum. Nú er það nokkuð ljóst að verið er að eyðileggja humarmiðin með öflugum togurum og að hluti humarkvótans brennur inni. Nú er tækifæri til að opna fyrir nýjungar í veiðum smábáta við Ísland.

Humarveiðar í gildrum samhliða þróun á veiðum, vinnslu og markaðsetningu grjótkrabba.

### Greinargerð.

Grjótkrabbi er ný nytjategund innan veiðilögsögu Íslands og finnst hann nú í miklu magni í Faxaflóa. Ljóst er þó að löng og kostnaðarsöm þróunarvinna er framundan í veiðum, vinnslu og markaðssetningu á grjótkrabba áður en nýting á honum verði arðbær. Ómögulegt er fyrir smábátæigendur að standa straum af kostnaði við slíka þróunarvinnu.

Með því að heimila humarveiðar í gildrum upp að vissu marki samhliða veiðum á grjótkrabba væri hægt að dekkja hluta þess kostnaðar og hvetja útgerðarmenn til frekari þróunarvinnu við nýtingu á grjótkrabba sem í framtíðinni yrði sjálbærar og umhverfisvænar veiðar.

## Botnvarpa

**Aðalfundur LS** er þeirrar skoðunar að banna eigi veiðar með botnvörpu innan 12 mílna. Botnvarpa hefur mikil áhrif á lífríkið og á ekki heima innan 12 mílna frá landi.

## Fiskverð

**Aðalfundur LS** telur að sú lækkun sem hefur orðið á fiskverði sl. 5 ár sé ekki einhlít. Það verður að vera hafið yfir allan vafa að ekki sé um samráð að ræða á milli fiskkaupenda. Fulltrúar Landssambands smábátæigenda þurfa að fara í þetta mál.

